



177773

Mag. St. Dr.


G






177773

I



Léon H. Bukowski 13.15.77

GUSTAF HEDBERG  
-BOKBINDARE  
51 Drottningg. STOCKHOLM



M. S.  
VVV  
IH  
C

MONVMENTVM  
VIRTVTI MERITISSIMÆ  
Perillustris & Magnifici Herois

D. THEODORI  
TISKIEWICZ SKVMIN  
PALATINI NOVOGRO-  
DEN. GRODNENSIS, OLYTEN.  
IVRBVRGEN. NOVOWOLENSIS  
CAPITANEI &c.

SOLAMEN  
PATERNE VIRTVTIS HEREDĪ MAGNI-  
FICO ET GENEROSO DOMINO.

D. IANVSSO TISKIEWICZ  
SKVMIN,

Braflauien. Capiteo M. D. L.  
NOTARIO. &c.

HONOR ACADEMICVS P. P.

A. D. 1618.

2<sup>o</sup>

Theodorvs Tyskiewicz SKVMIN Astra petebat  
VIINÆ, in Acad. Soc. IESV.



17773  
I

*Lilium eras in humo, modo Nobile sidus in axe,  
SKVMINIDE; virtus bus dat amata Gradus.*

K. IOANNES DOLSKI.



ADM.D. IANVSSVM TISKIEWICZ  
SKVMIN, B. C. M. L. N.

**E**Rgone SKVMINIDEN THEODORON honore sepulcri,  
Nate, pari decoras tristis, IANE, Patrem?  
Ah, quoties Natos fera Fata Parentibus orbos  
Discruciant! puero crux ea nota mihi,  
Germanisq; tribus: Nobis, heu, raptus uterq;  
TISKIEWICZ genitor, PACIA mater, erat;  
IOSEPH TISKIEWICZ; Martino Patre, Philone  
Fratre; Palatino Breſtiano ſed auo:  
Quoq; Palatino ſtetit olim forte Smolenſcum,  
Huic proatius; nomen cui BASILIVS erat.  
IANE, tuo Patri fuit iſte Propatruus; acer  
Vt MICHAEL, Mars per KILOWIENſE ſolum:  
Hoc auo ALEXANDER, tuus ille, Polotia; iudex;  
NARBVTI coiunx hoc, THEODORA, ſata eſt.  
Heu quantam ſtirpem THEODORI funus acerbat!  
Te tamen, ante alios, tangit, IANE, dolor.  
Sortis at humanæ memor, hanc moderare dolorem,  
Cùm ratio Fatum vincere nulla queat.  
Cui via finita eſt, & onus requieuit eundi,  
Gratatum huic requiem rectius ire decet.  
Sors Patris impleuit felix, quos debuit, annos.  
Huic, licet extincto, Fama ſuperſtes erit.  
Fama Academiæcis volat ecce citatio alis:  
Patrem ea ti ans Canabas exſpaciata canet.  
Vilnea Te florens ACADEMIA fouit Alumnum:  
Te modo Fautorem prædicat illa ſuum.  
Quod monumentum VIRTVTi ſacrat illa Paternæ,  
Me per; inoccidui pignus Amoris habe.

STANISLAVS CASIMIRVS TISKIEWICZ.

# IN D I G M A

M. D. T H E O D O R I T I S K I E W I C Z  
S K V M I N .

**N**OBILE suspiciunt Phœbes an cornua sidus ?  
Terra stupet mores, & THEODORE, tuos.  
Nobilis es vere: duo grammata iuncta loquuntur:  
virtutum decoras nobilitate genus.  
Regibus a ternis cumulatus honore gradatim;  
signant hoc trifido terna anabathra gradu.  
sidera iam calcas: agis inter lilia cæli.  
Digma quod eloquitur, re, THEODORE, tenes.

IOAN. RAPHAEL IENDRZEIWSKI.



## C R O N O D I S T I C H O N .

Dici emortualis.

Astra herol aperit Theodoro APRILIS, & astro  
In TaVrl soLeM qVInta reponit *æææ*.

Dici exequialis

SoLe qVater seno IVLI, De More parētat  
Erepto natVs, raro at honore, patri.

STANISLAAS BIALOSOR.

OCCV-



OCCVBVIT

Illustris & Magnificus Dominus,

D. THEODORVS

TISKIEWICZ SKVMIN

PALATINVS NOVO

GRODENSIS, CAPITA-

NEVS GR.ODNENSIS &c. &c.



Vp remus ille mundi Opifex Deus,  
qui ( vt Princeps Poëtarum ait )

*os homini sublime dedit, cælumq; tueri  
iussit, & erectos ad sidera tollere vultus,*

idem AUDITORES NOBILISSIMI men-  
tibus nostris eam legem non inscripsit, sed in seuit:  
vt, quoties insolitam aliquam vniuersitatis faciem  
notamus, ad eius aspectum, in diuersas abrepti cõ-  
mentationes, animo fluctuamus. Cuius enim pe-  
ctus tam ferum, aut tam ferreum erit, quod inex-  
pectata rerum aspectabilium immutatio commo-  
uere aliquantulũ non poterit? Dum namq; Austros

))

læui-

sæuientes, aut Aquilonem grauius furentem experimur, dum monstrosa grandine quatimur, stagnatibus nimbis alluimur, an non aliquam calamitatem non modò corpusculis tenerioribus, verū etiā ipsis cautibus cladem insignem metuimus? Quid si ordinatissimas cælorum conuersiones inæquabili cursu ire, contenebrescere Solem, pallefcere sidera, Lunam laborare videamus, num nihil de consueta hilaritate remitemus? Qui quidem perturbatus mundi status, præsertim verò illegitimus astrorum obitus, quanquam tantum rude & naturæ mirandorum ignarum vulgus horrore grandi percellant (Sapiens enim fortunæ ac ipsis dominabitur astris) attamen erudito etiam capiti, nihil humani alienum à se existimanti, nonnullam sæpe ingerunt molestiam. Quod si ita est, quo sanè animo esse oportebit omnes eos, qui in amplissimum M. L. Ducatus orbem ac cælum oculos hac tempestate defixos habent, aspiciuntq; non multo antè **ILLVSTRE** defecisse **DECVS**. En enim Astrum illud aureum nitidissima cinctū **LVNA**, gentilitiū, inquam, **TISKIEVVICIORVM ASTRVM** illud, quod Aquilarū Gryphorum & cæterorum Heroum obtutus in se conuersos suo lumine recreabat, nunc splendorem pristinum pulla inuoluens caligine in circumstantium pectoribus non exiguum mœrorem ciet ac ægritudinem. ô lugubre spectaculum! Illustris  
nempe

nempe ille & Magnif. D. THEODORVS TISKIEVVICZ  
 SKVMIN, PALATINVS NOVOGRODENSIS &c. &c. vir  
 æterno dignissimus æuo, summis pariter ac infimis  
 charus, vltimo vale Patriæ, vitæq; ipsi dicto, tran-  
 sivit, quò mundus transit. O duram sortem! ô fata  
 inclementia! Næ eximium M. L. D. iubar impla-  
 cabili mortis imperio in ferali sepulchro conditum  
 hodie delitescit. Quamobrem MAGNIFICE  
 D. Capitaneæ Braslaviensis, M. L. D. Notarie est cur  
 TECVM nunc iusta persolvente funebria Optimo  
 Parenti tuo, quem ille pulcherrimarum virtutû ac  
 insignium meritorum in Rempublicam Polonam  
 & Lith: suorum verum & germanum hæredē re-  
 liquit, est, inquã, cur TECVM omnes boni mœreãt,  
 ac lumē singulare hoc funere ademptum sibi que-  
 rantur, lessumq; hunc repetitis gemitibus vnâ cum  
 Academia nostra, vestro nomini officiosissima, in  
 hodiernis exequiis ingeminent ac decurrant. OCCI-  
 DISTI, THEODORE TISKIEVVICZ SKVMIN, ANTI-  
 QVISSIMÆ FAMILIÆ, PATRIÆ CHARISSIMÆ, EC-  
 CLESIA CATHOLICÆ LVX CLARISSIMA, OCCIDI-  
 STI.

## LVX FAMILIÆ.

ET inprimis antiquitate, nobilitate, amplitudi-  
 NE CELEBERRIMVM TISKIEVVICIORVM GENVS  
 cõmendatissimum semper fuisse quis est qui nesci-  
 at AVD

at Avd. Nob. vt pote cuius gloria, vltra M. L.  
D. Regniq; Poloniarum fines, magnis viribus se  
prouehens, ad exteras etiam regiones iam pridem  
penetrauit; quod cū multis, ijsq; inclytis apud no-  
strates ordinibus, sanguinem, auita stemmata con-  
iunctionemq; communicat; quod deniq; sobolem  
suam, frequentissimam in grauissimo senatorum  
Regni collegio, in serenissimorum Regum Curi-  
is, in Castris Patriæ publicis, domi forisq;, opibus,  
consilio, robore, prudentia rebus preclare gestis  
honoratissimam spectauit. Quæ vniuersa, si pro ea  
qua plurimum pollent, dignitate tractanda essent,  
præfixos propositæ dictioni nostræ terminos  
longissimo post se relinquerent interuallo: neque  
tamen cum ea maiestate, quam iure suo exigunt,  
quamq; ab eximijs alijs laudatoribus habere pos-  
sunt, à nobis explicarentur. Sed neq; eius ipsius,  
in quo oratio nostra celebrādo occupatur, præstan-  
tissima facinora contenta esse volunt, vt primam à  
generis nobilitate ducat commendationem is, q; su-  
is præclare actis amplissimam posteris suis laudū  
segetem ac materiam dedit. Quo sanè in negotio  
an non hic ipse SENATOR quondam consultissimū  
è mortali hoc tumulo insinuat nobis æternæ me-  
morix consecrandum Aragonum Regis Alphonsi  
dictum, quod eum vita præditum procul dubio nō  
latebat. Hic enim Rex sapientissimus, cum illū  
quidam

quidam à natalium claritate plurimum extolleret  
quod scilicet esset Rex, Regis filius, Regis Ne-  
pos, Regis Frater: hominem interpellans dixisse  
fertur: Nil esse quod in vita minoris ipse duceret,  
quàm quòd ille tanti facere videretur. Laudem  
enim illam non suam sed maiorum suorum esse.  
A se itaq; si qua modo extarent, eliceret ornāmē-  
ta, non à Patribus iam mortuis ea extorqueret. O  
dignam Cedro vocē! o regale oraculum! Stēmata  
enim (vt satyricus ait) quid faciūt? vix profectò  
vmbra veræ nobilitati faciūt. Quid prodest sāguine  
longo censeri, pictos ostendere vultus maiorum, &  
stantes in curribus Æmilianos? Id scilicet ostenta-  
re, est nobilē comœdiā agere. Quid deniq; pro-  
dest tota licet veteres exornent atria ceræ? Parietū  
hæc magis quàm sinceræ nobilitatis sunt decora.  
Virtus nobilitas sola est atq; vnica virtus. Quam-  
obrem non commemorabo hîc ego clarissimæ il-  
lustris Palatini stirpis, ex qua ille, germen fælix  
pullulauit, splendorem; prætermittam maiorum  
eius in Remp. officia ac beneficia; non attingam fa-  
mulantium frequentiam, opum abundantiam, &  
reliqua fortunæ copiosa munera. Vnicum tantū  
hoc loco adiiciam elogium, quod laudatissimi  
quondam è Tiskieucia gente ( prout a D. Polo-  
niarum Regibus, Callinico miscouicio, Tiskoni  
Callienicouicio, Basilio Tiskievicio, Leoni Tiskie-

) (

vicio

vicio eiusq; filio Skumino Tiskievicio, cæterisq;  
eiusdem Propaginis columinibus data concessaq;  
(stantur privilegia) illi, inquam, fortissimi  
olim exercituum Duces, Palatini, Castellani, Vr-  
bium, Arcium, & locorum Præsides, Bellatores  
validi, Terrarum Iudices, illi aui Ataviq; illustres  
illustri huic suo nepoti, quodq; illustres Nepotes  
ac posteri illustri huic Auo ac Parenti suo propter  
singularia eius de profapia sua merita; quod de-  
niq; qui magnæ huic supremi diei celebritati præ-  
sentes adsunt, vnâ mecum sic concinnant; THEO-  
DORVS TISKIEVICZ SKVMIN, PALATINVS NOVO-  
GRODENSIS ILLVSTRIS SVÆ FAMILIÆ LVX CLA-  
RISSIMA, HEV, OCCIDIT.

## LVX PATRIÆ.

Venio ad ea, quæ ab HEROË hoc nobilissimo,  
è medio nostrum sublato, summa cum laude  
confecta fuisse multorum sermonibus ac scriptis  
decantantur: ex quibus quantum regno Polo-  
niarum potentissimo, magnoq; L. D. accessit deco-  
ris ac emolumenti, vt tantum etiam ipsi rerum pul-  
cherrimarum Authori adueniat gratiæ ac ornamenti,  
sicuti facimus, velle & optare debemus, omnes  
nos, quotquot piissimo huic funebri officio ad-  
stamus



stamus. Si enim boni ac Patriæ amantes ciues & esse & dici volumus, necesse est vt viros egregie de eadem semper meritos suo honore colamus, eorū sempiternam memoriam in animis nostris defigamus, eorum magnifica ac diuina prope opera magnis præconiis decorata cæteris imitanda proponamus. Felix illa, felix Resp. in qua labori sua merces, merito præmium, virtuti gloria nequaquam detrahitur! non scilicet ab hac honestas, pulchritudo, magnorum studium, cupido famæ, arduorū tolerantia, victoria difficilium, & reliquæ regnorū dignitates in exilium quasi relegatæ solum vertere cogentur; sed viuent, vigebuntq; in generosis peccatoribus magna illa opera, atq; in seram longamq; posteritatem strenuè propagata optatos edent fructus. Quid enim, quod primos illos omnium gentium Principes ac Parentes, Ægyptios, Persas, Assyrios, Macedones, Græcos, Romanos, quid, inquam, erat, quod imperia illa bello pace q; florētissima, multis sæculorum spatijs gloriosa præstabat? illis nempe, quorum opera præclara Respublica clarior effulsit, non viuis modò, verùm etiam eorum cineribus debitus honor ac plausus datus. An non Laudatissima Miltiadis trophæa, Atheniense illum Themistoclem è lectulo nocturno ad res fortiter pro salute suorum ciuium gerendas excutiebant? Quid illud studiosissimum gloriæ  
caput

caput illū contra omnia aduersæ fortunæ tela im-  
pavidum virū, Iulium dico Cæsarem, ad genero-  
sas lacrymas aliquando compulit? Gloriosus Ma-  
gni Alexandri cum insigni eiusdē statua tumulus.  
Quid hunc ipsum mundi domitorem viriliter ge-  
mere ac eiulare aliquando coegit? Homerica Iliade  
nobilitatus Achilles. Vt rectissimo heroicorum  
conatum tramiti constanter insisterent illi Curtij,  
Scipiones, Bruti, Pompeij, Scæuolæ, & reliqui  
illi Regum maximorum triumphatores, vrgebant  
auratæ illæ pyramidum moles, virtutum exqui-  
sitissima emblemata, fora viæq; vrbiū ac regionū  
simulachris elaboratissimis excrecentes, publica  
& continua eorum, q se non sibi sed Patriæ natos  
credebant, encomia. Nosne igitur soli in libera  
Repub. nati, nos virorum fortium meritis apud  
omnes nationes celebres redditi, nos gloriosorum  
Parentum soboles, degeneres à clarissimis maiori-  
bus nostris nos esse patiemur? Hoc scilicet in ani-  
mum nostrum inducemus, vt, dum laudes hono-  
resq; eorum virtute comparatos iis referri audi-  
mus aut videmus, nec ea pensi facientes, obstinatā  
ad illustres labores mentem seruemus? Dum no-  
bis illi non indecoro pro aris focisq; patriis pulue-  
re sordidi, dum in nobili suo sanguine pro ciuium  
suorum integritate natantes, dum nobis illi in om-  
ni honestate exercitatisimi Regibus ciuibsq; suis  
fidelis-

fidelissimi ad optima consilia instructissimi, ad negotia publica conficienda paratissimi, in Dei Diuorumq; cultu feruentissimi, dum, inquã, nobis illi omnibus humanis diuinisq; ornamentis ornatissimi proponuntur, nos eos aspectu nostro non dignabimur? in partem gloriæ eorum ire iussi, venire recusabimus?

Quamobrem habebunt in animis nostris, piè vitæ functæ PALATINE NOVOGRODENSIS, tua decora locum; Insignibus virtutum tuarum, rãquam facibus quidusdam subiectis, ad gloriam inflammabimur vbi aliqua tantum ( quis enim hoc loco potest omnia ) præclare dicta & facta tua numerauerimus. Quis illo Puerò constantior? Adolescente cultior? Iuene grauior? Viro fortior? Sene consultior? Qui teneriorem illam, ante virilem, ætatem, totam ferè non in ludicris ac inanibus inter domesticas delicias negotijs, sed honestissimis artium liberalium studiis occupatus, in exteris Academiis exegit. Vbi eis animum verè nobilem excoluit moribus & disciplinis, Eis se oblectauit spectaculis, eos memori in fixit rerum status, quos futuros aliquando præuidebat illustri suæ familiæ sibiq; dignitati, Reipublicæ verò utilitati: cuius amore ac intuitu in ediscendis egregijs quibusq; facultatibus, eorum, q vitæ eius moderatores erant testimonio: Multa tulit fecitq; puer sudauit & alsit. Vtinã taliũ  
)(  
adole-

adolescentium hisce temporibus copiam habeamus, qui raram illam in primo annorum tirocinio indolem, viuaciaq; ingenia, non ignauo torpori, sed literarum laboribus constanter ac studiosè consecrarent. Quot enim sæpius magno natu ortuq; inueniuntur, qui vel nunquam, vel, vix aliquando humanæ rationis Reginæ eruditioni in limine, vt aiunt, salute dicta, ad quiduis aliud, sua etiam conditione indignissimum toto affectu rapiuntur; SAPIENTIAM VERO VNICAM REGNORVM CONSEVIATRICEM, FAMILIARVM NOBILISSIMARVM PROCREATRICEM HOSTILIS FVRORIS TRIVMPHATRICEM, CVSTODEM PACIS, diuitum gloriam, inopum subsidium ( forte territi pulchrarum rerum semper comite asperitate ) aut flocci faciunt, aut eam tanquã minus dignam sua consuetudine ad suorum opilionum, vernarum, seruorum familiaritatem contra omne ius fasq; ablegant! & tamen dum canibus, citharis, choreisq; inhiant, se quondam Patriæ columina, lumina familiæ futuros pollicentur. Quasi verò vertagis in senatu olim consilia captanda; barbaræ legiones fugandæ molli citharæ sono; artificioso pulsu ac motu pedum, legationes grauissimæ obeundæ. Veniret vtinam sæpius in mentem eiusmodi adolescentulis, magni illius Pyrrhi, de regni sui futuro hærede, decretum sapiētissimum! qui cū a filiis etiamnum pueris, at ad grandia ab  
incunte

ineunte ætate aspirantibus, interrogaretur. Cui nostrum, ô Pater, opulentum hoc, quod inclyta tua dextera plurimum amplifi cavit, relinques regnum? Quicumque, inquit, vestrum, ô nati, acutiorem habuerit enses. Veniret, aio, id in mentem sæpenumero eiusmodi Iuuenibus, haberet patria charissima eos, quibus se fortunamque suam tuto dedere posset. Ensis acutus, Auditores, apud puerum bellicæ pugnae omnino rudem, est ingenium facile ac docile. Ensis acutus, est animus doctrina multiplici perpolitus, utpote quo domi turbulenti errores, in castris inimicæ acies certius fugantur, quam quem validus at indoctus aliquis vibrat Gigas.

Excellentia ergo ILLUSTRIS PALATINI nostri, prioris ævi rudimenta fuerunt præ sagitationes vitæ consequentis, quam totam propè trium serenissimorum Regum, ac Reipublicæ obsequiis, summa cum omnium ordinum commendatione impendit. Nā simul atque è peregrinis terris sospes, & bonis artibus prudentiaque in rebus gerendis satis instructus in patriam remeavit, ad augustam, ut verbo expediam vnico plurima, ad augustam, inquam, Regis AUGUSTI curiam se recepit: & in ea integrè, quamdiu Regiæ maiestatis aulicus asselca censebatur, versatus, cum familiaribus regio nomini addictissimis amore, cum assiduis frequentia, cum honoratis splendore, quem sua conditio exigebat, semper cer-

per certare voluit. Inde factum ut postquam Re-  
gii lateris fides Comes cognitus fuisset, Equites ar-  
matos ære proprio collectos ad bellicas expediti-  
ones sæpius eduxisset, eosq; pluribus temporum  
spatiis liberali stipendio auctos strenuè sustētasset;  
variis ij sç maximis Reip. negotiis conficiēdis ido-  
neus deputaretur, ad difficiles Commissiones ex-  
pediendas delegaretur, mitteretur etiam Legati ti-  
tulo spectabilis in Moschouiam res magni momen-  
ti ibidē tractaturus. O labores præclaros! ô me-  
rita honore sempiterno pensanda!

Verum enimvero an operum magnorum hic meta  
scopusq; vltimus Auditores? REX AVGVSTVS di-  
erum mortalium terminum accepit, hunc verò vi-  
ta ad maiora adhuc posteris Regibus reddenda  
officia seruauit. Hic enim, cū Rex ille erga su-  
peros pietate, Zelo religionis, rei militaris gloria,  
constantia, fortitudine, prudentia, & cæteris rega-  
lis maiestatis insignibus inclytus STEPHANVS BA-  
THOREVS sceptris thronoq; AVGVSTI potitus fuis-  
set, ad eum cum alijs M. L. D. Oratoribus æter-  
num illi imperium precatum ire varsauiam com-  
muni summorum ordinum consensu iussus, eius-  
modi se virum esse ostendit, ut non vulgarem Re-  
gis bene meritorum subditorum locupletissimi re-  
muneratoris gratiam collegisse visus fuerit. Nam  
ad manus fidemq; eius satis commendatam THE-  
SAVRVM

SAVRVM CVRIÆ IN M. L. DVCA: deposuit. Nec  
multo post, vt rursus is supremo difficilis ac peri-  
culosæ legatiõis munere in Moschouia fungeretur,  
edicto suo regio declarauit. Hic scilicet erat rho-  
dus hic saltus. Non subterfugit Heros magnanimus  
impositum onus, nec assignatum pro patriæ honore  
arduum laborem recusauit. Nouerat ed cum Ty-  
rânũ se ablegari, cui sacrosancta gentium iura sæpe  
ludibrio erant; cui nil fide, iustitia, principibus de-  
bita pudentia & clementia, sed omnia ferè perfidè,  
omnia iniuriõsè, omnia temerè agere solenne fuit;  
cuius barbara palatia, tanquam reorum carnificinæ,  
humano cruore maderant; qui deniq; figurâ homi-  
nis tantum præditus esse, reliqua cum feris belluis  
communia habere semper iudicatus est. Nouerat,  
inquam, hæc vniuersa, virili nihilominus animo pro  
ciuium suorum commodis vitam profundere pa-  
ratus iter adornauit. Aggressus magnum illum  
omnis inhumanitatis Principem, cum quid vellet  
sui Regis nomine re verbisq; disertè ac liberè ex-  
poneret bellumq; atrox, ni ille postulatis aquiesce-  
ret, indicere auderet, vidit furètem immanem Du-  
cem, ad solita crudelitatis instrumenta conuersum,  
dira omnia eius ipsiq; Regioq; capiti minitatem; nec  
tamen vlla ibi acerba sorte territus, salutis etiã suæ,  
si opus foret, prodigus, fidelem vtilemq; Reipu-  
blicæ suæ operam nauauit. Cui te hîc LEGATE in-  
uictissime

inuidiosissime, comparabo? quo nomine responsa gra-  
uia, constantem in periculoso munere animum ap-  
pellabo? Nouum te Regno Pol. Magnoq̄ L. D.  
tunc natum Pōpiliū vocare nō verebor; qui for-  
tis ac magni animi vir audire meruit, quòd à Sena-  
tu populoq̄ Romano literas de exercitu ex Ægy-  
pto abducendo, deq̄ regno pupillorum Ptolomæi  
non vsurpando, efferato illi Regi Antiocho attu-  
lisset; & cum Rex deliberatione habita, Epistolæ  
illi responsurum se promitteret, bacillo quem ma-  
nu gerebat, circa eum orbem descripsisset, ac tan-  
dem illi cum suis exercitibus tanto facinore & ma-  
gnanimitate legati peculis sic locutus fuisset; Hic  
ergo stans ò Rex delibera & responde. Reuixisse  
in te, LEGATE fortissime, gobriam illum animosum  
affirmare audebo, qui cum Dario hostilibus armis  
in eius patriam irrumpenti, Legationis suæ imagines  
auem, murem, ranam, & sagittasquinq̄ obtulisset,  
Rexq̄ per murem terras, per ranam aquas, per a-  
uem equos, per sagittas animas corporaq̄ incolarū  
eum tradere interpretaretur, non timide in conspe-  
ctu numerosissimi exercitus dixisse hæc perhibe-  
tur; O Persæ, nisi vt aues auoletis, aut vt mures oc-  
cultas terræ cauernas subeatis, aut vt ranæ infilia-  
in paludes, huiuscemodi sagittis confixi ad patrios  
lares nequaquam amplius remeabitis.  
Sed transeo ad alia eiusdem roboris ac fortitudinis  
singularia



singularia argumenta. Haud multò post, quàm  
ille ex legatione iuxta animi sententiã R egis serene-  
nissimi acrà, ad sua, in magna curia, rite obeũ da mu-  
nia redierat, bellum Moschouiticum, inuisis vicinis  
nostris detestandum, R eipublicæ verò nostræ sa-  
lutare interuenit. R ex bellicanum rerum peritissi-  
mus, Thesaurarijꝑ sui industriam probè exper-  
tus, omnium militarium instrumentorum curam,  
pro tota expeditione illa, eius potestati tradidit, vt  
scilicet, prouideret is, quæ armorum genera, quas  
fusiles tormentorum machinas, & reliquum belli,  
apparatum, ad hostes tam aperto quã occulto Mar-  
te oppugnandos, castra, arces, propugnacula, mu-  
ros, ac turres eorum diruendas, idoneum existima-  
ret, quamprimum quã terrã quã aquis suam sub  
tutelam suscepta in oportunitis locis, fossis, vallis,  
coarctibus, ad statiuã obsidionalia constitueret. In  
hoc autem munere operosissimo quid vnquã fuit,  
quod eum auocare potuit, quominus alacriter, ce-  
lenter, strenueqꝑ negotium imperatũ exequeretur?  
An labor ad quietẽ, continua sollicitudo ad corporis  
animiqꝑ relaxationem, viarum asperitas, æstus,  
cœli inclementia ad longiorem moram eum perpu-  
lit? Sciebat vir prudentissimus non exiguam rei  
bene gerendæ in sua opera sitam esse partem, ideò  
omnibus impedimentis exclusis, celeritatis suo in  
itinere potiorem semper duxit rationem. Itaꝑ toto  
belli

belli illius maximi tempore, suo officio vt responderet, in id vnicū totis viribus incumberebat. Verū iam eōne solo labore virtus egregia contenta erat? nihil plus vltra pro Patriæ & pro Regis sui amore appetebat? Audite præclarum facinus, AUDITORES, & vt illud sempiterna memoria celebretur contendite. Adductis bellicis ad hostem vndiq; omni ope quassandum instrumentis, cū, quod cōmendato suæ industriæ opere gnauiter perfunctus fuisset, satis à summis Ducibus commendationis gratiæ q̄ haberet, militis etiam generosi muneris strenuè vrgere ac prosequi in animum induxit. Quapropter ille, etsi commodiore tutioreq; loco posset, laboriosiore tamen magis delectatus, noctes diesq; in vallo expugnatorio ponebat, in arces hosticas insultus ac impressiones faciendo, in acie quotidie perseuerando, vitam periculosæ alex exponendo, omnia deniq; quæ virum fortem Reiq; publicæ amantissimū decebant animosè enitendo, Patriæ Regisq; Optimi fauorem ac beneuolentiam merebatur.

Car uitne igitur virtus præclara tamq; varia suo honore? Vt difficile est aliquid igne concepto non inflāmari; in sole ac puluere æstiuo aliquem apertè versari, & à caloris vehementia colorem non mutare; Corpus offundi lumine, & vmbra non proijcere; ita profectò à virtute gloriam ac dignitatem si separare

volueris, Mundi Parenti naturæ contra ire necesse  
est. Sapiëntissimè id, vt cætera omnia, Reges illi  
nationum, gens illa togata, ac rerum Domini viuo  
quodam argumento expresserunt. Quorum non  
modò in auribus assidue intonabat, verum etiam in  
manibus ac oculis quotidie versabatur, & aure um  
illud axioma; **PER LABOREM AD HONOREM;** & au-  
gustum honoris templum magna mole & splendore  
exstructum; ad quod aditus nulli patebat prius,  
quàm ædem virtuti sacram ei affinem vestibuliq̃  
quodammodo vicem tenentem penetrasset: vt sci-  
licet sera Romanorum posteritas etiam atq̃ etiam  
in animis suis hoc profundissimè reconderet: In  
Regina vrbium Roma honorem non inelytis ortu,  
aut Parentum gloria, aut copiosis opibus, sed vrtu-  
te præstantibus viris conferri. Illustris ergo **THEO-**  
**DORVS TISKIEVVICZ SKVMIN,** post periculosas cū  
laude absolutas Legationes, post Patriam Sangu-  
ine suo nobilitatam, post Bella feliciter confecta,  
esse potuit sine præmio virtuti suæ debita? Tuam  
ego hîc fidem pietate armisq̃, Maxime Rex **STE-**  
**PHANE BATHOR** inuoco, an non sponte vtroq̃, tua  
singulari erga illum beneuolentia, **HEROS** hic ma-  
gnanimus, de te tuisq̃ regnis optimè meritis, præ-  
ter alia ingentia beneficia tua regia, tum post ca-  
ptam, munitioibz quondam potentissimam arcem  
**Polocensem, CAPITANEVS BRASLAVIENSIS;** tum  
A post

post expeditum Magnolucense bellum, CAPITANEVS  
vs OLYTENSIS; tum post recuperatas Polocensis  
Palatinatus Possessiones, post receptas vltra Du-  
nam Liuonicas arces, ad quas Commissarius iue-  
rat, SUPREMVVS M. L. D. THESAURARIVS renun-  
ciatus est. Idem regio tuo capiti perpetuus Affecla,  
non prius ex Curia tua pedem extulit, quam tu ipse  
ex mortali vita ad immortales Catholicis Regibus  
paratas Coronas euocatus exiuiſſes. Testis erit re-  
gium Funus tuum, cuius ille supremam curam,  
vsq; dum extra fines M. L. D. pompa nobili edu-  
ceretur, pro suo in te amore ac obseruantia dilige-  
ter egisse vno omnium ore ac voce iudicatus est.  
Liceret mihi hic Auditores (quod etiam eruditi  
rerum grauiũ narratores facitare plerumq; solẽt)  
orationem meam vehementiori epiphonemate cõ-  
citare, ne fessa ac inops quodammodò in plenissi-  
ma præclare factorum defuncti Herois com-  
memoratione consisteret, sed inchoatam funebre  
hanc laudationem feliciter absolueret: nisi ipsa ve-  
stra in me audiendo attentio ad negotium inceptũ  
perficiendum stimulos sufficientes mihi adhiberet.  
Quamobrem liberè pergo, quidq; lux hæc Patriæ,  
Vir hic nobilissimus, extincto Rege, gloriosissime  
hactenus egerit, explicare contendo. Summo nõ-  
pe omnium M. L. D. statuum consensu ac manda-  
to, interregno durante, in Metropolitana Arce no-

Ara

stra Vilnensi residere iussus, cum ingenti lætaq̃  
omnium admurmuratione vniuersa R. cip. negotia  
confecit. Electionem Serenissimi Regis SIGIS-  
MVNDI TERTII ( qui 31. annos semper inuictus  
Monarcha regnat ) Præsentia sua suorumq̃ ma-  
gno comitatu, tum omni iure ac ope in frequenti-  
bus nobilitatis comitijs, priuatisq̃ conuentibus  
promouit. Cuius negotij non exiguam portionem  
in capite eius positam fuisse testatur illæ, quæ etiã  
nunc asseruantur, tum Cesareæ, tum Regis Sue-  
ciæ, & Maximilianæ, ipsiusq̃ Serenissimi nostri,  
ac Viduæ Poloniarum Reginae, ( apud quam il-  
le multum gratia pollebat ) tum deniq̃ Ioannis  
Zamoyski Supremi in Regno Poloniæ exercituũ  
Ducis ad eum datæ literæ. Habuit itaq̃ egregium  
hoc eius in Regiam maiestatem officium apud po-  
pulares suos honorem, apud Serenissi: verò,  
Sigismundũ 3. eximium semper fauorem. Nam  
hic postquam felicissimè in regnum sibi delatum  
ingressus fuisset, cum Cracouiæ humilem se suæ  
Regiæ Maiestatis subditum conceptis verbis profi-  
tentem, CAPITANEVM OECONOMVMQ̃ GRODNEN-  
SEM esse voluit. Fidum deinde post exploratam  
eius erga Rempub. fidem, post cognitâ in eandem  
plurimas ex proprio eius ære factas expensas, ob-  
sequijs regijs prope confecto, ab officioq̃ supremi  
in M. L. D. Thesaurarij missionem vacationemq̃

obnixè petenti PATINATVM NOVRODENSEM  
contulit. In qua dignitate constitutus annos 28 &  
menses aliquot exegit: Patriæ, Regiæ Serenissi-  
mo consilij auxilioq̄, afflictis etiã temporibus  
R. P. semper præfens: ac eo quoq̄ nomine vel  
maximè omnibus bonis gratissimus fuit: tandem  
CAPITANEVS IURBORGENSIS ac NOVRODENSIS  
esse meruit. Quid iam hoc loco dicam, Auditores,  
quæ digna tam illustribus dictis factisq̄ fingi pote-  
runt elogia? En ea paucis ego explico vos audite &  
fauete. Illustris THEODORVS TISKIEVICZ SKVMIN  
in aula quondam regali Splendidissimus, Curia  
primùm, deinde Supremus M. L. D. Thesaurari-  
us, CAPITANEVS BRASLAVIENSIS, Olytenfis, Gio-  
dnësis, Iurborgensis, Nououolensis, dignissimus Pa-  
latinus Nouogradensis, prudentissimus, literarum  
& literatorum vir amicissimus, Bellicis artibus in-  
struâtissimus, Legationibusq̄, consilij, magnis ne-  
gotijs facilè explicandis Spectatissimus, Patriæ  
studiosissimus, tribus Poloniarum Regibus Cha-  
rissimus occidit. & vt verbo unico cõmpræhendam  
omnia LVX-PATRIÆ CLARSSIMA OCCIDIT.

## LVX CATHOLICÆ ECCLESIAE.

I Am, quomodo nobilissimum genus suum officio-  
sissimis promeritis ornauerit, quidq̄ pro Patriæ  
chari-

charissimæ amore egerit, accepistis, Auditores ;  
nunc quos in Ecclesia nostra Catholica radios Lux  
hæc clarissima effuderit, quanti cultum ac religi-  
onem erga Deum O. M. Diuosq; omnes fecerit,  
cognoscite ; dum aliqua quàm breuissimè vestræ  
in me audiendo beneuolentiæ memor perstringo,  
alia verò in ampliori theatro spectanda quandoq;  
resoluo. In exteras regiones bonarum artium per-  
discendarum causa expeditus erat, per quarum  
præcipua gymnasia nouarum hereseon pestes pas-  
sim grassabatur. Ea ab illustri hoc quondam Ado-  
lescente in auita religione Catholica constantissi-  
ma suorum moderatorum voluntate frequentabatur,  
& ijs professoribus aurem accommodabat,  
quibus, ( vt omnibus sectarijs familiare est ) nul-  
la etiam ex re captata occasione, in quotidianis  
prælectionibus, doctissimos grauissimorum veræ  
fidei lumine illustratorum scriptorum commen-  
tarios maledictis lacerare, allatrare ad ingeniosas  
easq; pietate plenissimas quæstiones, in sacram  
sedem Romanam conuitia congerere, sanctissimâ  
Principum verè Christianorum vitam ludibrio ex-  
ponere, Cæremonias diuiniore omnibus san-  
nis eludere. An igitur Iuuenis religiosissimi animo  
inquinatis hisce ac maleolentibus cauillationibus  
publicè priuatimq; sæpius appetitus, est expugna-  
tus? Minimè profecto. Quò semel est imbuta re-

recens seruabat odorem testa vt cū Lyrico illo va-  
te dicam ) nec mentem vnquam religionis, suæ an-  
tiquissimæ mutandæ habere se passus est. Redijt  
ergo in Patriam cum ea religione, quam cum lacte  
materno hauserat, & cum eo diuini cultus ardore,  
quem ad extremū vsq; spiritum vel minima dissi-  
mulatione violare nefas credidit. Hem pectus ge-  
nerosum ! O ingenium singulari cælesti gratia con-  
firmatum ! Eximiam hanc in auita fide constantiam,  
Adolescentes nobilissimi, quicūq; solenni huic pō-  
pæ funebri adestis, memori animo retinete. Dum  
studiorum morumq; ciuiliū gratia in peregrinas  
Vrbes à maioribus vestris amanda mini, ne peregri-  
nas religiones, in patriā reduces, vobiscum addu-  
catis diligenter prouidete; nisi sacrorum hæredita-  
riorum prædones, Templorum ab auis, atauis Pa-  
rentibusq; vestris ditatorum demolitores, Ecclesiæ  
Harpyiæ, Reipub. Cathol. proditores, Diuorum  
ōniū hostes & esse & scribi & dici velitis. Sed quor-  
sum à præfixo dictioni meæ scopo paulatim abeo ?  
Tecum, **ILLVSTRIS PALATINE**, tecum rē agere in-  
gressus, tecum cōtinuo. In nata tibi erga sanctos cæ-  
lites vera Pietas tecum creuit, fructusq; eos edidit,  
qui in vtilitatem multorum redundauit. Cui enim  
nota non est tua illa in adeundis sacris fanis Diligē-  
tia, orationis Studium, cum religiosis hominibus  
intima familiaritas ac consuetudo, liberalissimæ in  
Pauperes



Pauperes erogate Eleemosynæ? Quot per munificam dexteram tuam oppressi eleuati, afflicti recreati, tuum auxilium implorantes serio adiuti? Pietatem tuā benignissimā morūq; rarā Facilitatē omnes tuo ordinatissimo regimini subiecti vberib; testantur lacrymis. Pijsimā tuā Beneficentiam, numerosa eaq; pulcherrima Cælitū Tépla, in tuis regijsq; tuo vsui cōcessis bonis exstructa tuo sūptu, percipiendis fructibus amplis dotata, prædicant. Plurimum tibi se debere tua illa intra M. L. D. terminos Græci ritus Ecclesia pfitetur, qui sapientissim; & præcipuus VNIONIS eius cum Latina AVTHOR extitisti. Quamobrem illa tibi HEROI PISSIMO ad tumulum hanc Epigraphen, grata esse tibi volens, mæsta occinit. OCCIDISTI THEODORE TISKIEVICZ SKYMIN, Pater Pauperum, Pietatis antiquæ Exēplar, Templorum Deo dicatorum constructor, Vnionis orthodoxæ promotor, ECCLESIE CATHOLICALVX CLARISSIMA, OCCIDISTI. Cuius igitur hodierna die occasu m amplissima deplorat Familia, dolet Patria, mœret Catholica ecclesia, nos, AVDITORES ORN. eius desiderium lugubri conclamatione non prosequemur? Ille quondam Aulicorum Regalium Alpha; ille curiæ antè post M. L. D. supremus Thesaurarius; Braslauen-ensis, Oliten-ensis, Grodnensis, Iurborgen. Nouowolens-ensis Capitaneus; Nouogrodensis Palatinus con-  
sul-

fortissimus; ille bis Legatus in Moschouiam soler-  
tissimus, armorum contra feros Moschos edu-  
ctor vigilantissimus, Commissarius Regis celebra-  
tissimus, Interregni temporibus, Reip. Custos fi-  
delissimus, Senator prudentissimus; ille trium Po-  
loniæ Regum Assessor studiosissimus, Principū  
virorum amor, Patriæ, Familiæ, Ecclesiæ Ca-  
tholicæ lux, posteritatis splendor, in conspectu no-  
stro, laboribus honoribusq; satur, annos supra octo-  
ginta quinque natus, communi omnium Parenti Ter-  
ræ, supremo cum officio, commendandus, cōsti-  
tuitur. Heu quantis vna dies, imò horæ vnus mo-  
mentum nos spoliat diuitiis! Quid animi nunc tibi  
est? **CONIVX TANTI HEROIS CLARISSIMA?** quæ ad  
lugubre spectaculum deficis, in lachrymasq; reso-  
luta, Maritū tuum charissimum (quo cum quin-  
quaginta & aliquot annos inaudita cōcordia, amore,  
probitate traduxisti) multis gemitibus heu frustra  
requiris. Quanta verò mœroris nubes oculis tuis  
obuersatur, **IOANNES TISKIEVICZ SKVMIN CAPI-  
TANEE BRASAVIENSIS M. L. D. NOTARIE,** tāto pa-  
tre dignissime Fili? dū Patris tui Funus triste in-  
tueris, illudq; tanquā carum pignus in sacello ho-  
nifico ad sacram hanc **T R I N I T A T I S** æ-  
dem à te extructo æternūm deponis. Occubuit qui-  
dem Illustris Parens tuus & omnes nos luctu im-  
pleuit; nilominus dum te virtutum suarum hære-  
dem

dem Sobolemꝫ tuam suauissimam Regno ac M.  
L. D. reliquit, non parum tristitiæ ex animis no-  
stris abscedit: præsertim cū te iam optime de v-  
niuersa Rep. deꝫ Rege serenissimo promeritum  
videamus. Quamobrem TIBI, CVM MATRE OPTI-  
MA, CONIVGE INCLYTA PROLEQVE TVA, SVPERSTI-  
TI felicitatem fauoremꝫ omnium; illi verò vita  
pie functo perennem gloriam comprecamur, dum  
ad nobilem hanc eius sepulturam magni Regis su-  
pra Abner è viuis sublatum plorantis lugubrem  
næniam mæstis his vocibus ingeminemus. Num  
ignoratis quoniam maximo cecidit hodie in Israel.  
VALE ILLVSTRIS QVONDAM PALATINE NOVVO-  
GRODENSIS, VALE. ILLICET AVDITOR ET SPE-  
CTATOR. PRÆVIT ILLE. NOS EVM QVO  
SVPERI VOLENT ORDINE SEQVEMVR.

DIXI.

STEPHANVS THEODORI, ss. THEOL. AVD.





# ODE PARENTALIS.



FORMOSIORIS blanda vbi temporis  
 Renidet ætas ver, & humum nouat,  
 Luduntq̄, Maio iam propinquo,  
 Floricomis & Charites in hortis; & gratiæ

Ludit iuuentæ flos Academicæ;

Binâ in palæstrâ Dramation suis

Hic sympalæstritis, beato

De Domitore Draconis edit.

Vates reposcunt materiam nouam,

Stylo excolendo. materies datur,

Orationis & Pedestris

Et ( numerosior hæc ) Equestris.

Cantare seu stet Lipsana Regia,

Plocensis ædes maxima quæ tenet,

Diui SIGISMUNDI, clienti

Sceptringero venerata nuper,

Seu transmarinos stet calamo Gothos

Ciere, regno consulere vt sciant;

Gœstau Adulfi vim perosi,

Legitimum Dominum præoptent.

Vrgere seu stet Moscouiam stylo,

B

Ne, per-

6 actiun-  
culam.

7 s. Ge-  
orgio

8 soluta

9 Ligatæ.  
3 reliqui-  
as.

Ne, pertinaci pectore, Principem,  
Regum satum grandem, Polonum,  
Cui dedit antè fidem, renudet.

Seu Præfulari fausta regressui  
Stet gratulari; Peridum Patri,  
E flore Pimpleo decentes

*v Poetico.*

Conferere EYSTACHIO corollas.

*Rmi. D.*

*abr. moy.*

*ca.*

Seu stet Methones Præfulis inclytas.

Sonare Laudes, vt qui Academiæ  
Tutatus acer est Alumnos,

Varfauix male prouocatos.

Seu largitatem dicere ciuium.

Stet vrbis huius, Turris in æthera

Qua surgit, ad S. Ioannis;

Ære sacro monitura Vilnam.

Iamq̃ arbitrato scribere pro suo

Dum quisq̃ certat, lugubris it sonor

Tota vrbe, turre s perq̃ sacras

Pendula cuncta agitantur æra.

Qui TRINITATIS ter venerabilis

Sacram ornat ædem, colle sitam edito,

*campana-*

*nomina.*

Asceticos propter Penates,

Principium dat OLOR canorus.

Hunc subsecutus mox CASIMIRIUS

Tollit rugitum gratisonum LEO.

CONSTANTIA vocaliori

Intremittit attinguum Lyceon.

Respon-

Responsat Ædis Principis huic Tuba,  
Argutiori sed reboamine:

Nomen SIGISMUNDI hæc adepta  
Mole supergreditur sorores.

Cum versicondis attoniti stupent  
Musis Ephebi, mox sibi quid velint  
Sollemniores hij boatus,  
Sollicitis animis requirunt.

Pennis in atris Nuncia tum Dea  
Astare visa est Enceladi soror

Novogrodensis nigricantis

ALIGERI, os habitumq; fingens

Ori æs recuruum, quod gerit, admouet,  
Ac luctuosum dat Taratantara:

Dat quale, Vulcano furente,  
E specula Tubicen forensi.

Vt Neris audit ( sic Viliam vocat  
Agreste vulgus, nec male Nerei

Vdi propagem, de Neæra )

Nerides vt simul audière,

Te maximatum gloria, Patriæ  
Illustre sidus, Regum amor inclyte,  
Columna stirpis morte raptum

TISKEVIDYM, THEODORE, Lumen;

Fit plangor: omnes in lacrymas eunt.

Mœret. gemiscit, Gens Philogrāmata,

Oblita cœptæ scriptionis,

E manibus calamo labante.

o Fama

stemma  
Palatina-  
tus Novo-  
grad. fu-  
scus Ange-  
lus.

vilia Li-  
uanis  
Neris.

Heu, inquit, Heros maximus occidit,

Vir pace & armis maximus occidit,

Legationibusq̄ gestis

Maximus occidit, heu, Dynastes.

Immane prorsus, Res Lituanica,

Non antè multò vulnus adnauseras,

Cùm Dux adiuit NICOLAVS

CHRISTOPHORVS RADIVILVS Astra.

Secutus illuc Pontificem suum,

Iubar sacrorum nobile Præfulum,

Virtutis exemplar colendę,

Quem abstulit vrbs Patauina WOYNAM.

Te fauciauit nec leuiter prior

Feralis annus, mors HIERONYMVM

QUO CHODKIEVICIUM subegit,

Quem titulis decorauit Arx hæc

Vilnæa, Castellani & honoribus.

En hic PALLATINVS NOVOGRODICVS,

Dignus triseclis Regis æuo,

Vulnere te nouo, cheu, cruentat.

Mortem ô cruentam quæ furit & ferit,

Feroxq̄ sternit quosq̄ hominum, haud verens

Vel ordinum, vel dignitatum.

Hic tibi nil, THEODORE, prorsum

Opis tulere aduersus acinacem

Atroxue telum Parcæ inamabilis,

Tot clara maiorum tuorum

Nomina? nil decora alta gentis?

Nil



Nil gesti honores militiæ ac Togæ ?

Nil dignitatum tam varij gradus ?

Nil tot trium Regum fauores ?

Nil tituli neq; Præsidatus ?

Nil prædiorum copia diuitum ?

Rura, & coloni nil tot Agrarij ?

Cimeliorum nil fauiffæ ?

Nil famulorum animosus ordo ?

Omni læna Morta ferocior !

Constat, ferina lege coercitâ,

Innoxium per supplicantis

Transiiffæ caput lænâ.

At Parca nulli parcere gnara, nil

Intaminatum nil & inobrutum,

Harpysia crudelis, relinquit,

Filia nil miserantis orci :

Quis fur quis hostis morte nocentior ?

Quis efferata falce potentior ?

Securus altum stertat vllus,

Vndiq; telo inimico apertus ?

Intacta quænam hoc fulmine faustitas

Transiuit ? huic quæ non ruit infula ?

Sceptrum quod infractum ? potestas

Quæ stetit inuiolata Morti ?

An vlla rupes quamquam adamantina

Excussit huius terribiles minas ?

Elusit an conamen huius

Vlla sagax animi senectus ?

*elenodie-  
rum rece-  
ptacula.*

Maturus æui, canitie grauis,  
Verendus annis occidit occidit,  
Heu, longiori dignus æuo;  
Occidit, heu, THEODORVS HEROS I  
Quid vita nostra est? stiria labilis.  
Quid vita nostra est? scipio scirpeus.  
Quid vita nostra est? vilis alga,  
Bulla, cinis, vapor, vmbra, nil est.  
Exaggeratæ sunt quid opes? nihil.  
Clari propago quid generis? nihil.  
Nil sunt honores, nil voluptas:  
Cum moriente mori videntur.  
Expers sepulchri sola superstitat  
Amata virtus; sola ea nos beat,  
Genus elarat, famam perennem  
Sola parit bene parta virtus.  
Hæc te beavit, te decorauit hæc  
Viua fama te vetat emori,  
Æqui tenax, immote summi  
Numinis, ô THEODORE, cultor.  
Ecquis sacrorum te reuerentior?  
Quis irretorti iuris amantiore?  
Fides avita Veritasq;  
Inuenientne parem Patronum?  
Sparsis capillis te bona Veritas,  
Fidesq; luget, Relligio gemit,  
Ritus Achæi cum Latino  
Tu bonus author eras iugandi.

Genis reuulsis te gemit Æquitas,  
Quæ salua saluo Præside te stetit :  
Te Ciuitates flent & Arces,  
Iura quibus dare tu solebas.  
Te subditorum rus habitantium  
Deplorat agmen, non vt Herum, at Patrem ;  
Exactione quos iniqua  
Non tuleras bonus aggrauari.  
Tuo mouetur Regia funere,  
Expertos fidum quem fuerat sibi,  
Et Regibus ternis amatum,  
Militiæuè domiue, Achatem.  
Tuo mouetur funere purpura  
Tot optimatum fulgida natio,  
Raptum querens te Maximatem ;  
Te queritatur Equestris ordo.  
Satu propinquæ, præ reliquis, domus  
Dant signa luctus TISKONIS inclyta  
Herois inclyti propago :  
Cui iubar EVSTACHIUS refulget,  
Brestæ Palatinus memorabilis,  
Brestæ Palatino Patre profatus  
GEORGIO ; quod frater huius  
Nomen adeptus es ò GEORGI :  
Sacræ GEORGI militiæ decus,  
Cui dux IESVS, tessera nomen est,  
IGNATIUS LOIOLA, dio  
Signifer ac Promachus vocatu.

Acer.

Acerba mors hæc non minus est tibi,  
ALFONSE LACKI, Succamerarie,  
O Dunaburgi Præses arcis,  
O Litui soboles Achillis.

Affinitatis nomine congemis  
Hunc funerato, fœdere cui tori,  
Tui soror coniuncta Patris.  
Ergo doles amitæ dolore.

Denate ô Heros quid nurui tuæ  
Hic luctuosæ contiguam domum  
NARVSZEVVICIAM sonem? quod  
Hæc specimen dat amica luctus?

In hac refulget, ceu Cythereium  
In arce sydus, CHRISTOPHORVS, cui,  
A Rege, Lithuani Ducatûs  
Credita gaza fidesq; fisci.

Quid hîc propinquas KORSACIDAS loquar?  
Tiskieuczano in stēmate lilium  
Horum albet. vnus, heu, IOANNES

Te sequitur, THEODORE, pernix:  
Hoc se Osmiani curia, iudice,  
Musæ hoc Patrono destitui dolet.

TISKIEVVICINVM sed camœna  
Funus, ô auia, prosequamur.

Quid hîc vacillas Musa? quid hæsitās?

Quid expauescis? cur manus attremit?

Num Filij summos IANI

Exprimere hîc refugis dolores?

Et iure : tenta ; frustra eris arte huic,  
Timanthæ, ocellos occule splenio.

Haud sic adempti fata Ioseph  
Fleuerat Isaciæ Parentis.

Sed nec Dauidem sic Salomon suum ;  
Nec Roboamus degenerans Patrem ,

Vt lachrymis mæstis IANVS  
Te flet, cheu, THEODORE, natus.

Natura iunxit nexu adamantino  
Prolem colendis vsq̃ Parentibus ;

Nec absq̃ permagno dolore  
Se, dirimente Atropo, iugantur .

In seiugatis hæret amor diu ;  
Amor dolorem diuiduus parit :

Dolor querelas lachrymasq̃  
Atq̃ diu nigricantem amictum.

Amictus albens lugubris, haud niger  
Est nationi ( res noua )  $\phi$  Sèricæ

Qua cultius politiusue  
Nil habet vsquã habitatus orbis.

Seres suorum funera tertium  
Lugent in annum , deposito Re i,

Quam publicam gessêre, clauo,  
Iusta suis iterantq̃ priui.

De Patria sunt qui meritissimi,  
Templum merentur nobile, Publicum ;

Horum choragij's notatum ;  
Thure quod assiduo vaporat.

C

O IANE,

$\phi$  sinana

O IANE, pulli non habitûs, quidem  
 Squalore luctum tu trietericum  
 Præ te feres; at corde mœsto,  
 At gemitu caput hoc perenni  
 Desiderabis, dulce caput Patris:  
 Non parua opum vi cui tumulum nouum,  
 Ad TRINITATIS condis Ædem,  
 Adjicis ac tumulo sacellum;  
 Struis venustum quando sacrarium,  
 Quâ marmorato, quâ laterittio  
 Muro, paterni fidum amoris  
 Mnemosynonq; pij doloris;  
 Paterna virtus, en Clario capit  
 E porphyrite, iure quod optimo  
 Debetur huic perenniclarum,  
 Abs Academico Honore, famam.  
 Iussu Parentis, te iuuenem indole  
 Hic singulari Vilnæ ACADEMIA  
 Formauit optimas per Artes;  
 Quas alibi regionum adauxti.  
 Nunc optimarum percipis artium,  
 Si quando, fructum. promouet insita  
 Doctrina virtutem. hac & illa  
 Rem sapientius administras.  
 Vtraq; fultus Patris amabilis  
 Pertriste lethum fers moderatius,  
 Nepenthes immenso dolori  
 Cociliante Dei Pronœa,

s Herba  
 uctum. se.  
 dans.

Dei

Dei xProncæ non variabili,  
 Hoc †Pandochèo cuncta geri vides.  
 Ciuiusq; nostrum vita morsq;  
 Stat, cadit huius ad arbitratum.  
 Nec, vt profanum vulgus & improbum,  
 Rerum Satorem tu temere arguis,  
 Quod multa voluat secla cornix,  
 Multa animal pauidumq;, ceruus;  
 Ad sanctiores natus homo vices,  
 Capaxq; diæ mentis imago, quem  
 Celsum intueri iussit Astra,  
 Tam breue tempus in orbe degat.  
 Is prorogauit sat bene limitem  
 Mortalis æui, munere cœlitum,  
 Quisquis dati pernoit æui  
 Solibus vtiliter fruisi.

x Providen-  
tia.

† vniuerso.

LVDOVICVS RYLSKI;

NON HABEMVS HIC MANENTEM CIVITATEM. Heb. 13.

Ille Palatino satur Heros nuper honore,  
 Belli ardore satur, pacis honore satur  
 Occidit & Pario tumulauit marmore membra,  
 Membra DEI coram restituenda throno.  
 Hem crudam Parcæ! duræq; minacia Mortis  
 Spicula! nec Scythicis spicula visa plagis.  
 An te dura querar Mors? an tua spicula? luctu  
 Esse nequis maior nec tua tela, meo.

Anne Palatinus cecidit? dic improba Parca.  
Non cecidit. sed ubi est? cessit ab exilio.

*CHRISTOPHORVS ZAWISZA*

IN POTENTATIBVS OCTOGINTA ANNI AMPLIVS  
*eorum labor & dolor. Psal. 89.*

Cui bene fasciculos VIRTVS sociarat honorum,  
Inuida huic subitâ cuspide Parca scidit.

Ingemuit virtus, tantæ compendia Famæ  
Vnius arbitrio scissa fuisse Necis.

At postquam vidit Cygnæos vertice canos,  
Octoginta annos quinque abijisse seni;

Nil est Mors, inquit, nec Honos est ruptus ab illa,  
Alter in ætheria sede virebit Honos:

Orbi fat vixit: si plus vixisset in orbe,  
VITA laborque foret, VITA dolorque foret.

*stanislaus Casimirus Rudomina.*

NON TANTA MORTIS NOCVMENTA QVANTA  
*Morientis emolumenta.*

Immities Parcæ, qui nusquam sciuerat iras,  
Libret vt hamata noxia tela manu.

Extinctos cineres iugulataque cuspide membra,  
Cernat, & attonito colligat ore minas.

Noluit albensis canos miserare senectæ,  
Noluit in Litauo lilia stare solo.

Parca tuæ, PARCA, est dextræ victoria; laudem  
Maiori decuit pignore stare tuam.

Lilia natura sic inclinata recumbunt,  
Lactea sic moritur, sole abeunte, ROSA.

Non



Nō tua laus, MORS, est quod straueris, illius est laus.  
Canitie in tanta quod scit ille mori.

Nempe quater senos seniores inter Olympi,  
Ipse sibi canus castra locauit olor.

STANISLAVS RZECZYCKI.

VT BENE VIVERE, ITA BENE MORI DECET.

Skuminides cano venerandus vellere plumæ

Talia, visurus limina Mortis, ait;

Quod volui vixi, vitæ non pœnitet actæ:

Laudatæ vitæ stat mihi testis Honos.

Testis & ad Moschas via deuia ducta paludes

Visaq; vinetis Itala terra suis.

Nūc & posse mori, mens est, animiq; sequaces,

Vt vixisse bene est: sic bene posse mori est.

Calcanda est lethi via: scrutandæq; Tonantis

Æterni sedes, dixit & occubuit.

Stanislaus Orłowski

DE SACELLO NOVITER EXTRVCTO.

Hæc noua quæ varia surrexit fabrica mole,

Inclyta Skuminidæ membra sepulta tegit.

Custodit cineres, tumulataq; corpora cippo,

Ætas ne voiet, aut glutiat imber edax.

Sat bene prouisum est membrisq; animæq; sepulti.

Excubias vigiles membra animusq; ca pit.

Quam molem cinxit regina Pecunia muro

Custodit Domini hæc membra sepulta sui.

Quæ data condendæ est regina Pecunia moli,

Hæc animam Domini seruat in Elysio.

IOACHIMVS SCHREDERVS.

T E M-

  
**TEMPLV M**  
**VIRTVTI THEODORICÆ**  
**HONOR ACADEMICVS. P. P.**



**Q**VAM ludit varijs Humana Tragœdia scenis,  
 Crœsœa modò forte beat, modò nudat cosdē ;  
 Factum regalem nece terrificatq̃ rogali,  
 Atq̃ Solonæos monitus vice verat acerba. (illos,  
 Coniugat hos genialis Hymen, Clotho abiugat  
 Hi, modò cœptum alijs, lumen vitale relinquunt.  
**N**uper, in Orchestram Gediminia Vilna superbam  
 Produci vidit RADIVILEOS Hymenæos,  
 Festiuosq̃ dedit plausus, gratata Leoni  
**S**APIEHADÆ, Litauī qui Cancellarius orbis  
 Illustrem generum RADIVILO à Principe natum  
**A**LBERTVM WLADISLAVM sibi iunxit, & auxit  
 Affines RADIVILIADES RADIVILIDE natâ  
 Egregiâ formâ, egregijs virtutibus ANNA.  
 Ex illo non dum vaga Cynthia tempore cursum  
 Complect, vt educi videt vrbs ea fiebile funus  
 Herois magni; magnum nomenq̃ decusq̃  
 Qui gessit: THEODORVS ei prænobile nomen,  
 ETYSKIEVICIA, modò quæ clarissima, gente.  
 Quod nomen genitoris erat, cognomine SKVMIN,  
 Quem PALLATINVM Nouogrodia luget ademptum.  
 Heu quantum tumulas in eo, LITVANIA fidus!  
 Non sua sed Patriæ qui commoda quærere natus.  
 At tibi solamen, virtutis imago Paternæ,  
**I**ANVSSVS superest, qui facta simillima spondet

En quàm

Enquàm iusta piè, qua sollicitudine soluit?  
 Quà Patri, pompa, quanto splendore parentat?  
 Condendo cineri quàm Cryptam condidit amplam?  
 Quàm superimposuit solers illustre Sacellum;  
 Iugis vt inde poli deleniat hostia Regem!  
 Iure pio Nato releuas LITVANIA luctum,  
 Supremo & meritum deducis funus honore,  
 Ordine linigerùm lōgo, Procerum ordine longo,  
 Funus honestante & lacrymis testante dolorem;  
 Manibus æternamq; pijs poscente quietem,  
 Adiungitq; suos mœrens Academia planctus,  
 Cuius Alumnus Honos & erat IANVSSVS hic olim;  
 Hic vbi doctificas cum moribus imbibit artes.  
 Proin Patrem exsequiis Honor hic Academicus ornat;  
 Ipsi molitus Clario de marmore Templum,  
 Quod stet. inocciduo THEODORI nomine clarum;  
 Nec minus effulgefcet iis, quæ Seres Fœi,  
 Seu, quorum ante alias floret Respublica, Sinz  
 De Patria melius meritis Heroibus ornant  
 Condita, odoriferis lustrantq; frequenter acerris.  
 Non tamen Heroas, qui multis gentibus error,  
 Esse Deos ducunt, at eo veneramine dignos;  
 Ne meritæ laudes à Posteritate fiescant,  
 Nomina nee sequens horum immemor eximat Euum?  
 Nomen an vlla tuum, THEODORE, obliiteret ætas?  
 Non patietur HONOR, si quid pia carmina possunt,  
 Hic stabilem tibi rite locans ACADEMICVS Ædem;  
 Vatum operas adhibens. sudant in marmore vates.  
 Vatum opus est propriusq; labor celebrare Tonantis  
 Numen, & eximios æquare Heroas olympo;  
 Et sero meritis transmittere laudibus æuo.  
 Nullus & Heroum vates est iure perosus,  
 Ni virtutis inops, laudi nec idoneus vlli.  
 Ergo educendo manus emicat impigra fano,

O THEO.

O THEODORE, tibi Clariâ de rupe ministrat  
& Apollo. Materiam ipse α Phanes. paries at iaspide fulget  
Inserto: encarpis nitet omne lacunar eburnis.  
Corporis exuias natus decorare paterni  
Certat inædificans tumulo præsigne sacellum.  
Virtuti vates THEODORI nobile certant  
Docta per ora virum fabricare volatile templum,  
At pennis nullo solui metuentibus æuo.  
Ergo opere hoc prope re summa ad fastigia ducto,  
Virruti, THEODORE, tuæ SKVMNIE sacrant ;  
Insculptis rebus, Patriæ in molimine, gestis :  
Et Natum inuitant, rapti decoramina Patris,  
Ipse oculis obeat. Videt hinc sua præmia laudi,  
Et chari genitoris opes pulcherrimaq; ausa,  
Cæzata ingenijs, opus indelebile vatum.

Quam templum prius introeat, spectabile culmen  
Metitur visus acie, sur rimq; decoram,  
Cuius apex lunam cum stella continet vnâ ;  
Quod Tiskieucix digma est prænobile gentis,  
Dioptra Vt meliusq; notet cuncta, admouet ipse Dioptram  
Nuper adiuuentam. Tubus est teres, aptus in arcum  
Diduci & longum: vitreus fini orbis vtriq;  
V nus at angustus, pupilla haud amplior ipsa,  
Iungi oculo solitus: finis cannam alter adæquat.  
Res facile organon hoc procul à visore locatas,  
Qua sunt mole pari, facit apparere propinquas.

Ergo ope perspicuæ videt huius cuncta Dioptræ,  
IANVSSVS: celfo gentile in culmine stemma;  
Stemma quod adiecto signarunt carmine vates

*stella sui in terris THEODORVS, in astra recessi.*

*Luna, fugax memit, quicquid in orbe, bonum.*

Ante fores, haud ferales statuerê cupressos,  
Ast hinc inde cedros, æternæ symbola vitæ.  
Rem scripti produnt in odoro cortice versus.

*In terris*

In terris viri THEODORVS : in axe virorem

Nulla datum caries, nulla teredo teret.

Conspicui postes A sergo adamante renident

Versus inauratum præfixus hyperthyron ornat;

Hanc THEODORO TISKIEWICZ ACADEMICVS ædem,

9 superli-  
minare.

IANVSSI NATI mite leuamen, HONOR.

Ingrediens oculis haurit monumenta Parentis;

Quæ graphice nitidus paries insculpta remonstrat.

Ingens in medio nitet hic spectabilis arbos;

Illustres complexa viros à TISKONE cretos.

KALLI huic NICVS erat pater, à Patre MISKONE natus.

Ille olim Litavi SIDRIGALI Principis aula

Præfectus fuerat, Marschalci munere functus:

Qui sibi, qui generi, belliq; togæq; , potenti,

Auxit opes, merita aucti insignia nactus Honoris,

Stellam cui substent radiosæ cornua lunæ.

Tisko, Tiskoniæ, quæ Tiskieucia vulgo

Nunc audit, genti cognomentum indidit illud.

Tisko habuit Natos, Litauùm decoramina, senos;

Se nec κ Enyaliis gestis, nec honore minores;

Militiæq; Duces, Castellanosq; celebres,

Atq; Palatinos, dantes & iura Toparchas.

Archistrategus erat tuus ille, Kiouia, cui mens

Prouida consilijs, vt viuida dextera bello.

Ordine quos longo memorabilis exhibet Arbor.

Vnus in his LEO, vir generosa mente, Lubensis

Præses, in arma viros solitus ductare; Paternus

Qui tibi auus, THEODORE, fuit, nomenq; Parenti

Insolitum dedit, ille tuo se nempe Leone

Progenitam Σκίυον, vel Russo idiomate, Skymni

Indigetat. catulum vox denotat illa Leonis.

Filiolam, Lenkam, dixit, de nomine Damæ.

Mundifuga hæc claustro se, relligionis amore,

D

Abdidit

κ milita-  
ribus.

Abdidit, vt coleret, meliora secuta, Tonantem,

Feruidius, vario semota à turbine rerum,

Arabie Phlegethontigenum securaluporum.

Præbita, nomen in hoc, ludendi vatibus ansa.

Mente *Leonina sobolem*, LEO *Tiskonide edis*,

*Nomineq; banc apto degenerare Velas.*

Ten, THEODORE, Nepos ô auis dignissime tantis,

*Degenerasse ab ijs iure quis arquerit?*

*seu res consilio seu forti Marte gerenda;*

*visus es inuicta mente manuq; Leo,*

Clara dein chari speculatur is acta Parentis,

Digna imitaminibus, memori quæ mente recondit.

Indolis eximix primis spectatur in annis,

Inuigilare libris omniq; assuescere recto,

Affectare decus; peregrinas visere terras.

Has aditare simul, quas pestis & ira Tonantis

Polluerat sacris euerfis. Hæresis aris :

γ *vitæber* Moenia γ Leucoridos, quæ spumeus alluit Albis,

gæ. Heu calamo nimis ac Furijs atrata Lutheri.

Cognitus hinc illi vir humi cognomine nigræ,

Cui mens nigra magis, mage nigrum dogma, Philippus.

Gypsatum THEODORI animum tamen ille nequiuit

Inficere, vt multos huius Regionis alumnos,

Diuini verbi specioso murice iustos.

δ *Baflea* Sed nec obest huic δ Rauriaci rauis vlla Lycei.

Sed nec obest corui nequam, Befa, nequius ouum;

ε *Geneua* Corul Stigmatiæ, cui nidus, aprica Lemani

Ripa lacûs, inimica Tybri, Rupiç Petrinæ.

ζ *venena* Irrita consignant ea ζ deleteria vates.

*Nil hebet Hæreticis tua mens, THEODORE, venenis?*

η *amuleta* η Præbia præseruant embea virus agunt.

*Nil à lethifera metuens sibi peste colubros*

*Inter virosos sic agit Indus oryx,*

Hinc tres Sarmatiæ sculptos videt ordine Reges;

Chara

Chara quibus genitoris erat fidissima Virtus:  
SIGSMVND0 AVGVSTO, quoad ipse superstes, hic hæsit;  
Sedulys obsequiis, & obire negotia dexter:

Non minus armorum dexter, quam pacis ad Artes.

Ergo suos cuneos Patriæ inuehit acer in hostes,

Hic Stheneli similis, præstans iuuenilibus ausis,

Sculpitur ac audax fuere in certamina belli,

Atq; manu promptam secum raptare iuuentam.

Hostiles agitare globos vel sternere ferro.

Nec minus ore potens validæ quam robore dextræ

Visus hic Augusto. Proin vnus mittitur inter

LEGATOS ternos, inimica ad nomina, Moscos.

Threicio sublimis equo residere videtur,

Insigni phaleris, frenisq; micantibus auro,

Moscoui proceres, ostroq; auroq; nitentes,

Obuiam honorificerere his in mœnia vectis.

Hinc STEPHANVS BATOR in Tyrio Rex murice fulget;

Omni ex Sarmatia, procerum cui plurimus ordo

Obsequium iurat, Litauis THEODORVS ab oris.

TISKIEVICIADES socios hinc emicat inter;

Accipiēs à Rege fidem præbensq; vicissim.

Rex animi prudens, generoso in corpore mores

Cernit vt egregios, ratus hunc ad maxima natum,

Adiungit sibi, thesauris & præficit aulæ.

Cernitur hinc adsculpta Fides, æraria seruans.

TE M Hî num quis, ( ait ) THEODORE, fidelior alter ?

Liuoniam interea Litauum & confinia Moscos

Vexat, & infestis populatur barbarus armis :

Rex bonus hunc monitum tanti cupit ante furoris,

Vltorem, nisi desineret, minitatus & arma.

Ergo iit Orator, tanto in molimine rerum,

Ante alios TISKIEVICI VS THEODORVS ad illum ;

Quid velit, exquirat, pacemne Tyrannus an arma,

Si pergat furere vltices mox affore dextras.

**T**orua tuens sedet in folio, Bufiridis instar,  
Dum THEODORVM audit, Basilides ille IOANNES,  
Fulmina torquentem, STEPHANO pro Rege, minarum  
Orantisq; minas, STEPHANI æqua tremiscit & arma;  
Ergo in amicitias & idonea pacis iturum  
Fœdera se simulat; solito mox dira Tyrannus  
Arma furore ciet, ferro grassatur & igne,  
Ac sibi Liuoniam prope subiugat efferus omnem.

Iusta Polonorum mouet indignatio Regem;  
Hanc proin indomitam bello domiturus Erinnyn,  
Ducit in arma suos Litauos aeresq; Polonos;  
Hic armamentis, terrâq; vndâq; vehendis,  
Præficitur THEODORVS. onus promptissimus ille:  
Impositum sibi grande subit, conamine magno.  
Impiger huic instare operi spectatur; ad arces,  
Nunc has, nunc illas, tot equorum-totq; virum vi,  
Pertrahere, ingentes Tormenta datura ruinas.  
Quin etiam assultu, superanda vbi Pergama, primos  
Cernitur hic inter. mens huic tam prodiga vitæ,  
Mens tamprona suo lethum pro Rege pacisci.  
Ergo, nec optantem, merito hûc Rex ornat honore.  
Namq; Polocensi postquam fuit vrbe potitus,  
Brazlauix, quæ ficta & in hoc celamine claret,  
Præsidem eum creat, & mandat ius dicere genti.  
Dein, victâ magnâ, magno molimine, Lukâ,  
Adiicit huic OLYTAM parili Rex iure tenendam.  
Creuit honos in eo, quantum creuere labores.  
Virtutem vestigat Honos, sequiturq; fugacem.  
Regia laus, vbi promeritis æquantur Honores.

Composito bello, domitaq; Tyrannide Mosci,  
TISKIEVICIADEN Rex victor honorus eundem  
Directorem adhibet Repetitoremq; fidelem;  
Iura Polocensis quis digerat omnia Tractus;



Iura tot annorum vario confusa tumultu,  
Pallatinatus & honesto Schemate donet :  
Et bona distribuat, prout cuiq; à Rege tributa.  
Eminet in cœlo cœlata Polotia cliuo ;  
Hinc, fluuij Dunæ munita stat, inde minori,  
A quo scilicet vrbs est nomen adepta, Polotta.  
Hinc Transdunana renitere videntur & Arces ;  
Nomine quas Regis THEODORVS ab hoïte recepit.

Hic neq; munifici requieuit gratia Regis  
In bene promeritum ; Litui ipsi nempe Ducatus  
Thesaurum credit, succedere vultq; IOANNI  
Hiebowicz, Pallatinus fit vt ille Trocensis.  
Hic videas Regem THEODORO porgere clauem  
Aureolam fisci. Nec eo cumulatus honore,  
Otia quò captet, latus hic regale relinquit.  
sed nec ab extincti se Regis corpore duxit,  
( Ipse locus Lethi, GRODNENSIS Regia testis )  
Quàm prius Arx eius curæ Vilnæa fideli,  
Concilio Procerum, cõmissa fuisset, ab omni.  
Nec tamen interea studium Regalis omisit  
Funeris, exequias & magno iusta paratu  
Sollicitè adcurans, supremum ornauit honorem.  
Hic inter Proceres deducere flebile funus  
Conspicitur Craci mœstissimus vnus in arcem.

Hinc in Rege nouo stat factio sculpta legendo.  
Stirpe Iageſloniâ THEODORVS hic hæret in vnâ ;  
Principe Suecano materni nobile nato  
Nomen aui : genitrix CATHARINA Iageſlonis illi ;  
Finnoniæ ( Scis Vilna ) Ducis sociata IOANNI ;  
Põit sibi quem digne legit Suecaniâ Regem.  
Quæ queat esse , omnis visa hoc in Principe virtus.  
Hunc alienigenis THEODORVS, iure præoptat.  
Hanc nequit æmula pars scriptis euertere mentem :  
Sed neq; Cæsarei fratris manus atq; sigillum.

Regina ANNA SIGISMVNDI matertera scriptis  
Hunc stabilem THEODORI animum, meliora sequentis,  
Cum Sario Duce militiæ, collaudat amicis,  
Nec sine honore fides nec abit sine munere tanta;  
Sæpe tot impensis proprijs ac ære probata,  
Namq; SIGISMVNDO Regali in sede locato  
Iurat vbi obsequium, Rex hunc complexus amanter;  
Præses & œconomus, Vir, ait, sis inclyte Grodnæ.  
Artifices sculpere manus in pariete Grodnam;  
Heu: nimis infauftam BATHORINO funere Grodnam.  
At fortunatam THEODORO præside Grodnam.  
Iamq; fatigatus curis THEODORVS & annis,  
Tandem optans laxare animum, captare quietem,  
Theauri officium graue, Quæsturamq; resignat.  
Rex at honorato cupiens hunc munere fungi,  
NICOLEO Radiuiliadæ succedere iussit,  
Pallatinatum Nouogrodensemq; tenere.  
Colle super celfo Nouogrodia sculpta coruscant.  
Vsq; Senatorem se præstitit ille fidelem  
De Re communi, dum Varsauiense Senaculum  
Consultuit, non vnquam aberat fidiſſimus Heros.  
Dum Regem impeteret Furor ac ciuilis Enyo,  
Hic à Rege stetit. Dum fraus incendia voluit  
Varsauiæ vix euasit de nocte periculum,  
Regia ni ductu Raphaelis tecta subisset.  
Nomen id est famula, Aligeri qui munere functus  
Difficili spectata fides hoc tempore, Regi  
Muneribus meritis dignissima vila rependi.  
Ergo lurenburgum Nououolamq; adiicit ipsi;  
His dare iura iubens & ab his decerpere fructus.  
Ex alia se parte ferunt delubra videnda,  
Quæ pietate flagrans THEODORVS honoreq; Dio  
Struxerat in proprijs, dote haud sine diuite, fundis:

Inq̄ locis, Regum quæ nutibus ille regebat.

Huic operi iniertus Procerum lectissimus ordo,  
Quorum ope, quorum operâ, Cathedræ gens Russa Petrinæ  
Accessit, Dominæ se subiecitq; sacrorum,  
Quæ mundi caput est, cœliq; vicaria, Romæ ;  
Petrocathedromachos, agmen furiale, perosa-  
E sacris, MICHAEL hîc metropolita RAHOSA;  
Pæne politico habet THEODORVS in ordine primas,  
Feruidus ante alios incundi fœderis author.

CLEMENTI Octauo, duo, Russæ nomine gentis',  
Hic sese asternunt, pebibusq; pia oscula figunt,  
CHRISTVMq; in Papa merito venerantur honore,  
Polliciti obsequium Pastori iuge supremo.

Vnus in his erat HIPDACIVS cognomine POCIEY,  
Qui sacra Russorum post Metropolita regebat:  
Vir præstans animi, fidei defensor & acer.

Cuius adhuc successori viget æmula virtus,  
IOSEPHO VELAMINO, cui Russica sese  
Natio RVTSCIADÆ multum debere fatetur.

Hunc pariter monstrant operosa toreumata vatam;  
Cum Clero, sedenim THEODORI funere moestum :  
Triste sed amisso meditantem Epigramma Patrono.

Quod pia posteritas inaratum pellegat vna.

Lux Litauûm, decus Heroum, Pietatis asylum

SKVMIN TISKIEVVICZ hîc THEODORVS humor.

Hæresiarcharum nidos, iuuenilibus annis ,

Lustraui ; me non læsit at illa lues.

Fidus eram Regi AVGVSTO BATORIQ̄, pioq̄

SIGSMVNDO, Sueonum Rege Ioanne fato.

Sæpe sub Augusto comissa negotia dexter ,

Et quo par studio, nomine Regis, obii

Eiusdē

Eiusdem auspiciis, Martem experturus, equestres,  
Ære meo, duxi fortis in arma globos.  
Dein STEPHANO graue Martis on<sup>9</sup> cū Rege subiui.  
Fulmina bellorum credita cuncta mihi :  
Hostiles si quæ superandæ affultibus arces,  
Prodigus hîc vitæ, pars prope prima fui.  
Pace recompositâ Lithuani, à Rege, Ducatûs,  
Aulæ Quæstori, credita cura mihi.  
Extincti BATORIS dum iusta procuro, rogatu  
Magnatum, Vilnæ Præses in arce locor.  
Sceptra Iagelloniæ deberi censeo stirpi:  
Hoc nihil à studio, sollicitatus, agor.  
Ergo SIGISMVNDVS me TERTIVS auget honor e :  
Pensat in abruptam munificatq; fidem.  
Braßlauiam ac OLYtam BATORIS de munere rexi.  
TERTIVS hîc terna me ditione beat.  
Grodna, Iurenburgû, Nououola hoc addita Rege :  
Non auidè emungens, his ego iura dedi.  
Iamq; annis grauior gazam Fiscumq; resigno,  
Liber vt ætherea gazan in arce parem.  
Maiori tamen hîc me Rex bonus ornat honore,  
Mêq; Palatinum dat, Nouogroda, tibi.  
Viginti septem gessi hoc decoraminis annos.  
Interea cultum rite propago DEI.  
Limina sacra struo, simul & ruitura recondo :  
Religio & dispar me duce fœdus init.  
Me promotorem veneratoremq; fidelem,  
Quæ Romæ est, habuit Sacra Cathedra Petri.  
Hanc

Hanc tu promoueas, hanc tu venereris, IANE ;  
 Hanc, pie Nate, salus si tibi chara, tegas.  
 Ac velut orsus eras, vbi clara Polotia, per te,  
 LOS APHATVM excepit Pontificemq̄ nouum,  
 ( Ter centeni equites duce te comitantur eundem,  
 Introit vt Cathedram, Rege volente, suam ; )  
 Sic pergas : placeat tibi cœlitis orbita veri.  
 Dissidium fidei Schismãue nullus ames.  
 Asceras at ames quibus est Concordia cordi,  
 Ossa quibus mandas exuuiasq̄ meas.  
 Nec minus & cordi tibi sit Philomusa iuuentus,  
 Cuius inocciduâ non sinor arte mori.  
 Viue diu ; Catharina parens, tua Barbara coniunx,  
 Tecum progenies viuat & Eugenia.  
 Viue diu, sed viue Deo, fideiq̄ tuendæ :  
 Vita tibi hæc vitæ ianua, IANE. Vale.

ILLacrymaris ad hos monitus, IANVSSE, Paternos,  
 mente reposturum te pollicitaris & alta.

Quamq̄ Parenti eduxit Honos Academicus Ædem  
 Ex Alabastrite, quem fert Parnassia rupes,  
 Arte laboratam propera licet, attamen æuum  
 Quæ ferat, ac æuo laudes Genitoris adæquet,  
 Mnemosynon tibi & Artilegos fore calcar amandi.

VALENTINVS Zaleski. Art. & Phil. Baccalaureus.



EPIGRAMMATVM ANATHEMATA.  
 E EPO-

## EPONYMICON.

**N**OMĒ habes, THEODORE, Dei, quod es omine, do-  
 Id nomen rebus conuenienter habes. (num.  
**G**rante DEI donum est, Heroū sanguine nasci.  
 Tu, TISKIEVICIÆ flos, THEODORE, domus.  
**G**rante DEI donū ; Hæreticorū haud vellere falli.  
 Nec te horum faciunt trita Lycea <sup>λυκων.</sup>  
**G**rante DEI donum ; Superis virtute probari.  
 Summis ac imis te probitate probas.  
**G**rante DEI donum , bene charum R egibus esse.  
 Tu R egum Triadi, Marte Togaq̄ places.  
**G**rante DEI donum ; diuinum extendere cultum.  
 Extendis , sacros ædificasq̄ lares.  
**G**rante DEI donum ; discordia iungere corda.  
 Se debet Fidei sancta Homonoæa tibi.  
**G**rante DEI donum ; senium venerabile canis.  
 Hoc & habes ; Neptis teq̄ salutat auum.  
**G**rante DEI donum ; felici morte resolui.  
 Æthera tu felix, morte solutus, adis.  
**P**ro donis, frueris iam Donatore ? beatus !  
**Q**ui <sup>ΘΕΟΔΩΡΟΣ</sup> eras, hinc <sup>ΘΕΟΘΕΡΟΣ</sup> eris.

MICHAEL SZOSTOWICZ

## POTIOR THESAURVS IN Astris.

**P**rimū Aulæ , Litauī pōst credita Gaza Ducatus,  
 Curæ TISKIEVICZ, Ô THEODORE, tuæ  
Crescit

Crescit vbi virtus, crescunt virtutis Honores.  
In virtute labor : meta laboris Honor.  
Par labor est parere, & partum virtutis Honorem  
Indeclinata sustinuisse Fide :  
Sustinet vsq; Fides, grauis at non sustinet ætas:  
Ergo declinas, ponis & illud onus.  
Terrestri positâ, gazan meditaris olympi.  
Plus habet illa oneris, plus habet ista lucri.

STANISLAVS NARVSZEYVICZ.

EMBLEMA  
CORNV COPIA.

Quæ pacis sunt.

CONspicis hîc oleas, varias & fertilis Anni,  
Quas cornu exiguo fert Achelous, opes ?  
Has pia conseruat concordia, dextraq; iuncta  
Dextræ. Congestas perdit Erinny's opes.  
Tristis Erinny's Eris: discordia tristis Erinny's,  
Qua duce dispereunt religionis opes.  
In multos THEODORVS opes iam contulit istas,  
Ad bona dum Ruffos foedera pacis agit.  
Pars bona pacis ea est, Cathedræ se iungere Petri,  
Pastorem in terris legitimumq; sequi.

CASIMIRVS GALINSKI.

BEATI PACIFICI

E 2

Vnio

**V**Nio Chriflic olūm, gratiffimus vnio Diuis;  
Difsidium fidei, Schifma Satan vt amat.  
Pars bona Rufforū Cathedræ quòd reddita Petri.  
Se Papæ fubicit Pontificūq̄ Patri;  
Foedera quòd ftabili Ritus Graij atq̄ Latini,  
His oris, coeant, non leue calcar eras;  
Tu confuafor eras, tu dux, THEODORE, præibas.  
Pacifictoris iure brabeon habes.

SAMVEL SIEMIAKA.

NON NOBIS SED PATRIÆ  
Viuius.

**V**Idit SKVMINIDEM patriæ fudare labore,  
Aftrea in fupero Virgo locata globo.  
Inter finceros famulatus, commoda vidit  
Plura fuæ patriæ quam generata fibi.  
Indoluit, rapuitq̄ virum telluris ab oris,  
Voceq̄ non ficta talia verba dedit;  
ffus ad optatam Diuorum tende quietem:  
Sat patriæ; viuas hinc, THEODORE, tibi.

GEORGIVS DRASLAVYSKI.

MORS DICTA FACTIS

Præuertit.

**V**Enerat ad Parcas facie Mors sæua minaci,  
Vifum quò Lacheſis penſa moueret edax!  
En breuiata videt THEODORI ftamina Skumin  
Ægraq̄ iam fubita fila ſecanda colu;

Pro-



Protinus exiliens hæc læto pectore fatur ;  
Siccine pensa iacent? quid colus ægra vacat ?  
Dixit, & extemplo secuit vitalia fila:  
Tam citò nec dixit, quàm citò fecit opus.

ALEXANDER KOVYNACKI.

## OPPRESSÆ CADUCEATOR

Patriæ.

**I**LLE ille antiquo ducens à Tiskone nomen,  
Ille Senatoris vir gravitate potens.  
Regibus ille comes ternis clypeoq; togâq;  
Sedibus in Patrijs ille dolendus obit.  
Ille in Mosciacas bis missus Nuncius oras,  
Ille Pater Patriæ, & pacis amator abit.  
Ecquid abit? Patriæ nouit discrimina nostræ,  
Et sic pacis amans Nuncius astra petit.  
Pro patria, & patriæ pro natis Hoste reuinctis ;  
Cum Christo, æternæ fœdera pacis aget.

CHRISTOPHORVS STYRBOVICZ.

## AVGESCIT LVMINE

Lumen.

**S**Kuminides summos inter stabilitus Honores,  
Fulgidior supero sidere fulsit humi.  
Non est in terris THEODORVM passa morari  
Fama, tulit celsum celsa sub astra virum.  
Insignem tulit in Patriam meritisq; grauemq;  
Patriæ amore virum, relligione virum.

Audijt Astrorum princeps præconia Famæ,  
Atq; soli fidus iussit inesse polo.  
Hic modò Skuminides lucet fulgentior astris,  
Nec cerni à nimia lumina luce queunt.

FLORIANVS OLSZYNSKI.

## FELICIORI NASCITVR

Vitæ.

**M**ortua num viuit Lithauis clarissima campis,  
Tiskonidûm celebri nata propago domo?  
**E**t viget illa simul, iacet & simul obruta morte:  
A Parcisiacet, à religione viget.  
Viuis Tiskonidûm plus viuis nobile lumen,  
Sint extincta licet luminis ora tui.  
**T**eq; immortalis comitatur gloria viuum.  
Vita tua ista noua est, vitaq; nata tua est.  
**V**tq; noua hanc vitam modò possis viuere, debes  
Abjicere antiquas corporis exuuias.

BARTHOLOMÆVS KRASOVVSKI,

## IN BINAM LEGATIONEM.

**N**IL syncerus amor timet: in mare curret & igne,  
Ardua vt audacis iussa faceffat heri.  
**B**is THEODORVS adit Moschos Orator atroces,  
Immiti haud gentis territus ingenio.  
**I**ure iram poterat Basilidæ horrere Tyranni,  
Extitit insontum cui laniena iocus.

Hic

Hic tamen intrepido Regum exprimit ore suorum  
Iussa : nec hoc Cyneas munere maior erat.

O dignum pectus generoso sanguine Lechi !  
Nil Natis cuperet fortius ille suis.

CASIMIRVS MAFFON.

IN FIDELITATEM.

potiora secutus.

LEchia dum studijs varijs animisq; laborat,  
Funera post Batoris, cui sua scepra dicet;  
Oratu Procerum Vilnæ THEODORVS in arce,  
Regis ad electi tempora, præses erat.  
Perstitit inuicta mente huc protractus & illuc,  
Proq; Sagellonia perstitit ille domo.  
Iure tibi poterat credi, THEODORE, Ducatus,  
Cui potiora sequens indubitata fides.

ALEXANDER OZIEMBLOVSKI.

VIXERAT ILLE SATIS.

EN quanta est noſtio ſub cælo facta ruina,  
Quæ Litauæ & Ruſſi concutit arua ſoli.  
Ah Ruſſæ & Litauæ, THEODORVS, gloria gentis,  
Vncata mortis falce peremptus obit.  
Si deſiderium ſpectes, citò morte peremptus:  
Si numeres annos, vixerat ille diu.  
Si ſpem, animum, viresq; : parum ; ſi fortia geſta  
Tam ſibi quam Patriæ vixerat ille ſatis.

CASIMIRVS PAC.  
LACRY-

LACRYMAS INHIBETE  
CLIENTES.


L Argifluas mœsti lacrymas inhibete clientes,  
Nolunt Patroni hoc fata dolore coli.  
Sicca arbos primùm reparat quandoq; virorem,  
Irriguis radix si foueatur aquis.  
Haud tantum ex vobis ortos puto posse liquores,  
Vt reducem effossa dent THEODORON humo.  
Nil supra vires facile esse videtur Amori,  
Credit id audaces nec superare manus.  
Siste amor & fluxæ THEODORO tempora vitæ  
Ne cupias; vita nobiliore viget.

ANDREAS PHILIPPOWICZ.  
IN PRÆDIUM FATALE KORZISC. MORILVC RV M.

V Ita quid est hominis, nisi, promercialia nobis  
Quod bona prostituit non peritura, Forum?  
Deposita hîc ab Hero datur exercere talenta,  
Lucrificasq; mnaas : hîc emere astra licet.  
Clotho vbi destiterit fatales voluere fusos,  
Mercandi ratio non erit vlla super.  
Vel vi celsa rapi, vel emi vult Regia Diuûm.  
Hanc emis? an sancta vi, THEODORE, rapis?  
Corporis ac animi neruos huic tendis habendæ;  
Fortunas adhibes : & rapis hanc & emis.  
Ipse locus lethi, fluuio cognominis Aula,  
KORZISC, ô Here, ait, Mors erit ista lucro.

IOANNES BROLNICKI





BACKRYMAS INNHILITE  
CIVITATE

I. Angliam morbi heryonis in hunc diem  
Nolunt fatrorum hoc in dolere est.  
Sicca ad hoc prima in reposita quibus heryonem  
Irruat videri heryonem heryonem  
Haud remanere ex vobis in heryonem heryonem  
Virescentem est illa dem Theobor in heryonem  
Ni supra videri facile esse videtur Amori,  
Credis id aut heryonem heryonem heryonem  
Sunt enim heryonem heryonem heryonem heryonem  
heryonem heryonem heryonem heryonem

ANDREAS PHILIPPOVICZ

IN PRÆDIUM FATALE KORZ

V. In heryonem heryonem heryonem heryonem  
Virescentem est illa dem Theobor in heryonem  
Decursum heryonem heryonem heryonem heryonem  
Lacrimarum heryonem heryonem heryonem heryonem  
Citho vbi desit in heryonem heryonem heryonem heryonem  
Heryonem heryonem heryonem heryonem heryonem  
Heryonem heryonem heryonem heryonem heryonem  
Corporis heryonem heryonem heryonem heryonem heryonem  
Focum heryonem heryonem heryonem heryonem heryonem  
Heryonem heryonem heryonem heryonem heryonem  
Heryonem heryonem heryonem heryonem heryonem



